

**VISOKA ŠKOLA RAČUNARSTVA I INFORMATIKE eMPIRICOM**

**PRAVILNIK O STIPENDIRANJU STUDENATA NA  
VISOKOJ ŠKOLI RAČUNARSTVA I INFORMATIKE eMPIRICOM**

**Tuzla, maj 2024. godine**

Na osnovu člana 63. stav 1. tačka d) Zakona o visokom obrazovanju („Službene novine Tuzlanskog kantona“ broj: 21/21, 5/22, 11/22 i 16/22), te člana 17. Statuta Visoke škole računarstva i informatike eMPIRICOM, Senat Visoke škole računarstva i informatike eMPIRICOM na sjednici održanoj 22.05.2024. godine donio je

**PRAVILNIK O STIPENDIRANJU STUDENATA  
NA VISOKOJ ŠKOLI RAČUNARSTVA I INFORMATIKE eMPIRICOM**

## 1. OPĆE ODREDBE

### Član 1.

(1) Ovim Pravilnikom propisuju se osnovi, kriteriji i pravila dodjeljivanja prava na stipendiju u vidu popusta na školarinu studentima visokoškolske ustanove Visoka škola računarstva i informatike eMPIRICOM (u daljem tekstu: Visoka škola eMPIRICOM), odnosno prava i obaveze Visoke škole eMPIRICOM i studenata kao korisnika stipendija.

(2) Pravo na određeni procenat stipendije, odnosno popusta na školarinu imaju svi studenti Visoke škole eMPIRICOM.

### Član 2.

Sredstva za stipendiranje studenata obezbjeđuje Visoka škola eMPIRICOM iz vlastitih sredstava.

## 2. OSNOVI ZA DODJELJIVANJE STIPENDIJE / POPUSTA ZA ŠKOLARINU

### Član 3.

Visoka škola eMPIRICA dodjeljuje stipendije u sljedećim kategorijama:

- a) Stipendija za prvi upis na I godinu studija,
- b) Stipendija za prvi upis na višu godinu studija (II-IV).

### 2.1. STIPENDIJA ZA PRVI UPIS NA PRVU GODINU STUDIJA

#### Član 4.

Visoka škola eMPIRICOM dodjeljuje pravo na stipendiju i utvrđuje visinu ulazne stipendije za prvi upis na I godinu studija po sljedećim osnovama:

- a) Intervju za stipendiju,
- b) Test za stipendiju,
- c) Uspjeh u srednjoškolskom obrazovanju,
- d) Drugi relevantni osnovi.

#### Član 5.

(1) U pogledu visine popusta na školarinu, odnosno ulazne stipendije za prvi upis na I godinu studija koju kandidat može dobiti na osnovu pojedinačnih kriterija iz člana 4. ovog Pravilnika, procenat dodjele popusta na školarinu / stipendije reguliše se na način kako slijedi:

- a) Intervju za stipendiju: procenat stipendije po ovom osnovu zavisi od broja bodova osvojenih na intervjuu i određuje se u rasponu od 5% do 80% školarine;
- b) Test za stipendiju: procenat stipendije po ovom osnovu zavisi od broja bodova ostvarenih na testu i određuje se u rasponu od 5% do 80% školarine, za kandidate koji su prešli prag od 50% bodova na testu;
- c) Uspjeh u srednjoškolskom obrazovanju: procenat stipendije po ovom osnovu zavisi od ukupne prosječne ocjene u srednjoj školi i utvrđuje se u sljedećim rasponima:
  - a. 80% stipendije za ukupnu prosječnu ocjenu od 4,9 do 5,0,
  - b. 20% stipendije za ukupnu prosječnu ocjenu 4,5 do 4,89.
- d) Drugi relevantni osnovi - uspjeh u naučnim, umjetničkim, kulturnim i drugim društvenim aktivnostima u toku trajanja srednjoškolskog obrazovanja, uspjesi na takmičenjima, sajmovima nauke i inovacija, angažman u civilnom društvu, vannastavne aktivnosti: procenat stipendije po ovim osnovama utvrđuje se u svakom pojedinom slučaju, a maksimalno zbirno može iznositi do 10% školarine.

#### Član 6.

(1) Kandidatu koji prvi puta upisuje I godinu studija Visoka škola eMPIRICOM može dodijeliti određeni procenat stipendije po jednom ili kombinacijom više osnova iz ovog Pravilnika, u maksimalnom iznosu do 100% školarine.

(2) Stipendija po osnovama Intervju za stipendiju i Test za stipendiju se može osvojiti samo na utvrđenim terminima. Visoka škola eMPIRICOM organizuje intervju za stipendiju i test za stipendije u toku ljetnog semestra za učenike IV razreda srednjih škola, kao i kandidate koji su srednju školu okončali u ranijim godinama, u najviše pet termina, na događaju koji se zove „Let’s Talk, Learn and Win Day eMPIRICOM“.

(3) Stipendije po ostalim kriterijima se mogu ostvariti sve dok je otvoren upis na Visoku školu eMPIRICOM i dok postoje predviđena finansijska sredstva za dodjelu stipendija čija se visina utvrđuje Odlukom direktora.

## 2.2. STIPENDIJA ZA PRVI UPIS NA VIŠU GODINU STUDIJA

#### Član 7.

Studentima koji prvi puta upisuju višu godinu studija (II-IV) Visoka škola eMPIRICOM dodjeljuje pravo na stipendiju u iznosu do 30% iznosa školarine u tekućoj školskoj godini za ostvarene izvrsne rezultate tokom studija u prethodnoj školskoj godini, po sljedećem kriteriju:

- a) položeni svi ispiti na prethodnoj godini studija sa minimalnom prosječnom ocjenom 9,5.

## 3. PRAVILA DODJELJIVANJA STIPENDIJA, PRAVA I OBAVEZE STUDENATA

#### Član 8.

O dodjeli stipendije odlučuje direktor u svakom pojedinačnom slučaju, vodeći se kriterijima iz ovog Pravilnika, a u okviru raspoloživog fonda za stipendije u tekućoj školskoj godini.

#### Član 9.

Prava i obaveze studenata dobitnika stipendije regulišu se Odlukom o stipendiranju, Ugovorom o stipendiranju i Ugovorom o studiranju.

#### Član 10.

U slučaju da studentu dobitniku stipendije prestane status studenta na Visokoj školi eMPIRICOM prije diplomiranja, student je dužan izvršiti povrat ostvarene stipendije, a što se bliže reguliše Odlukom o stipendiranju, Ugovorom o stipendiranju i Ugovorom o studiranju.

#### 4. PRELAZNE I ZAVRŠNE ODREDBE

#### Član 11.

Izmjene i dopune ovog Pravilnika vršit će se na isti način kao i njegovo usvajanje.

Tumačenje odredaba ovog Pravilnika daje organ koji ga je usvojio.

#### Član 12.

Pravilnik stupa na snagu danom donošenja.

Broj: 04-03-02-102/24-001/24

Datum: 22.05.2024. godine

Predsjednik Senata

---

mr.sci. Muhdin Mujačić, dipl.ing.el.